

**Politikkikku partit naatsorsuutaasa tamanut saqqumiuttalernissaat pillugu
Inatsisartut Inatsisissaattut nr. xx ulloq xx 2011 siunnersuut**

pillugu

Inatsisinut Ataatsimiititaliap

ISUMALIUTISSISSLUTAA

Siunnersuutip aappassaaneerneqarnerani saqqummiunneqartoq

Suliarinninnermini Inatsisinut Ataatsimiititaliaq ukuninnga inuttaqarpoq:

Inatsisartunut ilaasortaq Isak Hammond, Inuit Ataqatigiit, siulittaasoq
Inatsisartunut ilaasortaq Andreas Uldum, Demokraatit, siulittaasup tullia
Inatsisartunut ilaasortaq Kristian Jeremiassen, Siumut
Inatsisartunut ilaasortaq Storm Ludvigsen, Inuit Ataqatigiit
Inatsisartunut sinniisoq Andersine H. Kristiansen, Siumut, ataatsimiititaliamut
ilaasortaagallartoq

Siunertaq

Politikkikku partiinut tunissutit annertuut tamanit paasisaqarfingeqarsinnaanissaasa qulakkeerneqarnissaa inatsisissatut siunnersuutikkut siunertarineqarpoq. Anguniagaq tamanna ataatsimiititaliamit aamma tapersorsornartinneqartoq siullermeerinerimi annertuumik taperserneqartoq ataatsimiititaliamit paasivaa.

Tusarniaaneq

Oqartussanut kattuffinnnullu il.il. attuumassuteqartunut Naalakkersuisut tusarniaanissaat aammalu tusarniaanermut akissutinik ataatsimiititaliamut ingerlatitsinissaat siunertalarugu aappassaaneerinissap 2012-imi upernaakkut ataatsimiinnissamut kinguartinneqarnissaa siunnersuuteqartup siunnersuutigigaa inatsisissatut siunnersuummut nassuaatini allassimavoq.

Tamanna Inatsisartunit kissaatigineqassappat tusarniaanerup ingerlanneqarnissaanut Naalakkersuisut peqataasinnaasut Naalakkersuisut Siulittaasuata siullermeerinerimi oqaatigaa. Tusarniaanerli pisariaqanngitsutut Naalakkersuisunit maannangaaq isigineqartoq Naalakkersuisut Siulittaasuata erseqqissarpaa: Siunnersummik sunnerneqartussat tassaapput partiit, taakkulu Inatsisartut siullermeerineranni siunnersuut pillugu isummersornissamut periarfissaqarput.

Partiit soqutigisaasa siunnersuutikkut kisimik sunnigaanissaat eqqarsaatigalugu oqartussat kattuffiillu il.il. tusarniaaffiginnnginnissaat ataatsimiititaliamit eqqarsarnartoqartinneqanngilaq.

Naalakkersuinikkut sulinermut aningaasatigut tapiissuteqartarneq pillugu Inatsisartut inatsisaannut atuuttumut tunngatillugu

Inatsisit immikkoortut marluk pigineqarnissaat naapertuunnersoq imaluunniit aningaasanik tunissuteqartut aqqisa tamanut saqqumiunneqartarnissaat pillugit maleruagassanik naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanni atuuttumi ilangussisoqartariaqarnersoq isumaliutigeqqullugu ataatsimiititaliaq Naalakkersuisunit kaammattorneqarpoq.

Apeqquummut tassunga tunngatillugu ataatsimiititaliap aallarniutigalugu oqaatigissavaa ilusiliinerup Danmarkimi atorneqartup assinganik ilusiliinissaq siunnersuuteqartup toqqarsimagaa, tassalu politikkut partiinut pisortanit tapiissutigineqartartut pillugit ataatsimik inatsiseqarnissaq aammalu inuinnaat politikkut partiinut tapiissuteqartarnerannut tunngasumik allamik inatsiseqarnissaq.

Naalakkersuisut tikkagaattut politikkut partiit naatsorsuutaasa tamanut saqqummiunneqartarnissaat pillugu maleruagassanik inatsisissatut siunnersuut taamatullu naalakkersuinikkut sulinermut aningaasatigut tapiissuteqartarneq pillugu Inatsisartut inatsisaat atuttoq imaqrput. Tamanna inatsisissatut siunnersuummi § 3-mut nassuaatini aamma allassimavoq.

Aalajangersakkanik 1. juli tikitsinnagu naatsorsuutinik tunniussinissamik partiinut pisussaaffiliisunik aammalu naatsorsuutit taakku tamanut saqqummiunneqarnissaannik Inatsisartut Siulittaasoqarfiannut pisussaaffiliisunik maleruagassani marluusuni aalajangersaasoqarsimanera ajornartorsiutissartaqtutut isigineqanngilaq. Taamaalillutik partiit ataasiakkaat naatsorsuutinik assigiinngitsunik marlunnik Inatsisartut Siulittaasoqarfiannut nassiussisariaqanngillat, naatsorsuutinilli ataatsinik maleruagassani marluusuni piumasaqaatinut eqquutsitsisunik nassiussiinnarsinnaallutik.

Tamatuma erseqqissarneqarnissaa Inatsisartut Siulittaasoqarfiata kissaatigippagu tamanna naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanni § 9-p naleqqussarlugu iluarsiissuteqarfigineratigut pisariinnerpaamik pisinnaavoq¹.

¹ Aalajangersagaq assersuutigalugu ima oqaasertalerneqarsinnaavoq, tamatumani Inatsisartuni partiinut tunngatillugu (§ 9, imm. 2) politikkut partiit naatsorsuutaasa tamanut saqqummiunneqarnissaat pillugu Inatsisartut inatsisaat innersuussutigineqarluni:

” § 9. Inatsisartut inatsisaat manna naapertorlugu tapiissutit bankimi kontumut immikkut inissitamut ikineqassapput, taakkulu siunertanut allanut atorneqassanngillat.

Imm. 2. § 2, imm. 1 malilligit tapiissutinik tigusisartut ukiut tamaasa qinnuteqarnerminnut ilangullugu Inatsisartut Siulittaasoqarfiannut uppernarsarlugu nalunaarutigisassavaat qaammatisutit ukiuanni qaangiuttumi tapiissutit naalakkersuinikkut sulinermut ilumut atorneqarsimasut, kiisalu tamanna ingerlateqqinneqassamaartoq. Ammattaaq politikkukkut partiit naatsorsuutaasa tamanut saqqummiunneqarnissaat pillugu Inatsisartut inatsisaanni maleruagassat naapertorlugit ukiut tamaasa kingusinnerpaamik 30. juni ukiumut siulianut naatsorsuutinik kukkunersiukkanik Inatsisartut Siulittaasoqarfiannut nassiussisoqartassaaq. Tapiissuteqarnissamik qinnuteqaat Inatsisartut Siulittaasoqarfiannit suliarineqareerpat naatsorsuutilu

Inatsisissatulli siunnersuummi saqqummiunneqartumi maleruagassat assingisa naalakkersuinikkut sulinermut aningaasatigut tapiissuteqartarneq pillugu Inatsisartut inatsisaanni atuuttumi ilanngunneqarnissaat inatsimmik ilusilersuilluni annertuumik suliaqarnissaq kingunerissavaa, tamannali inatsisilerinikkut allatigulluunniit ataatsimiititaliamit siunnersuutigineqartumut sanilliulluni pitsaaquteqarnerussanan.

Inatsisinut Ataatsimiititaliap inassuteqaataa

Siunnersuut akuersissutigineqassasoq ataatsimiititaliap isumaqatigiittup inassutigaa.

Taama oqaaseqarluni inatsisissatut siunnersuut Inatsisinut Ataatsimiititaliamit aappassaaniigassanngortinneqarpoq.

Isak Hammond,

kukkunersiukkat nassiunneqareerpata tapiissutit affaat tunniunneqassapput. Ukiumut siulanut naatsorsuutit kukkunersiukkat nassiunneqareerpata tapiissutit affasa arlaat tunniunneqassapput. Taamatut uppermarsaalluni nalunaarut naatsorsuutillu kukkunersiukkat nassiunneqanngippata tapiissutinik tunniukkumaakkat kinguartinneqassasut atuukkunnaassasulluunniit Inatsisartut Siulittaasoqarfiaa aalajangersinnaavaa. Politikkikut partiit naatsorsuutaasa tamanut saqqummiuneqarnissaat pillugu Inatsisartut inatsisaanni maleruagassat naapertorlugit naatsorsuutit tamanut saqqummiunneqassapput.

Imm. 3. § 2, imm. 2-3, § 3, imm. 1 kiisalu § 4, imm. 1 malillugit tapiissutinik tigusisartut ukiut tamaasa qinnuteqarnerminnut ilanngullugu Inatsisartut Siulittaasoqarfiaannut uppermarsarlugu nalunaarutigisassavaat qaammatisiutit ukiuanni qaangiuttumi tapiissutit naalakkersuinikkut sulinermut ilumut atorneqarsimasut, kiisalu tamanna ingerlateqqinnejassamaartoq. Aamattaaq ukiut tamaasa kingusinnerpaamik 30. juni ukiumut siulanut naatsorsuutinik kukkunersiukkanik Inatsisartut Siulittaasoqarfiaannut nassiussisoqartassaaq. Tapiissuteqarnissamik qinnuteqaat Inatsisartut Siulittaasoqarfiaannit suliarineqareerpat naatsorsuutillu kukkunersiukkat nassiunneqareerpata tapiissutit affaat tunniunneqassapput. Ukiumut siulanut naatsorsuutit kukkunersiukkat nassiunneqareerpata tapiissutit affasa arlaat tunniunneqassapput. Taamatut uppermarsaalluni nalunaarut naatsorsuutillu kukkunersiukkat nassiunneqanngippata tapiissutinik tunniukkumaakkat kinguartinneqassasut atuukkunnaassasulluunniit Inatsisartut Siulittaasoqarfiaa aalajangersinnaavaa. Naatsorsuutit tiguneqarpata Inatsisartut Siulittaasoqarfiaannit tamanut saqqummiunneqassapput.

Imm. 4. § 6 malillugu tapiissuteqarfingineqarsimasut qinersinerup kingorna kingusinnerpaamik qaammatit pingasut qaangiunneranni uppermarsarlugu Naalakkersuisunut nalunaarutigissavaat aningaasat qinersineq sioqqullugu naalakkersuinikkut suliniarnermut ilumut atorneqarsimasut. 25.000-init amerlanerusunik tapiissutisisimasut uppermarsarlugu nalunaarumminnut ilanngullu-git tapiissutit atorneqarnerinut naatsorsuutinik kukkunersiukkanik nassiussaqassapput. Taamatut uppermarsarlugu nalunaaruteqartoqanngippat imaluunniit naatsorsuutinik kukkunersiukkanik nassiussisoqanngippat Naalakkersuisut aalajangersinnaavaat tapiissutigineqarsimasut tamakker-lugit ilaannakorlugilluunniit utertinnejassasut.”

Siulittaasoq
Inuit Ataqatigiit

Andreas Uldum
Demokraatit

Kristian Jeremiassen
Siumut

Storm Ludvigsen
Inuit Ataqatigiit

Andersine H. Kristiansen
Siumut